



Skýrsla um samráð

Efni samráðs

Frumvarp til laga um breytingu á lögum um svæðisbundna flutningsjöfnun og lögum um jöfnun á flutningskostaði olíuvara (niðurlagning flutningsjöfnunarsjóðs olíuvara).

Samráð hófst

17. mars 2020

Samráð lauk

20. mars 2020

Fjöldi umsagna

9

Umsagnaraðilar

Alls bárust 9 umsagnir; einkum frá sveitarfélögum og landshlutasamtökum en einnig frá hagsmunaaðilum úr atvinnulífinu.

Samantekt um umsagnir og viðbrögð

Frumvarp til laga um breytingu á lögum um svæðisbundna flutningsjöfnun, nr. 160/2011, og lögum um jöfnun á flutningskostaði olíuvara, nr. 103/1994, var birt í samráðsgátt Stjórnarráðsins til umsagnar.

Alls bárust níu umsagnir, þ.á m. frá Markaðsstofu Norðurlands, Fljótshéraðs, Samtaka sveitarfélaga á Norðurlandi vestra, Sambandi sveitarfélaga á Austurlandi, Akureyrarbæ, Grýtubakkahreppi og undirbúningshóp um millilandaflug um Akureyrarflugvöll. Í umsögnum framangreindra aðila komu fram athugasemdir um að í frumvarpinu væri ekki getið um jöfnun á flugvélaeldsneyti. Er því rétt að taka fram að ekki er verið að leggja til verulega breytingu á jöfnun á flutningskostnaði á flugvélaeldsneyti frá núgildandi framkvæmd. Þá hefur flutningskostnaður olíuvara til Akureyrar ekki verið jafnaður í núverandi kerfi og er því ekki um að ræða neina breytingu vegna sölu olíuvara á Akureyri. Í byggðaaætlun, aðgerð B.10, er hins vegar lagt til að unnið verði að því verkefni að jafna aðstöðumun til þjónustu á millilandaflugvöllum landsins og mun sú vinna halda áfram, óháð þessu frumvarpi. Er því um ótengd mál að ræða.

Í umsögn N1 komu fram ýmsar athugasemdir þar sem m.a. var reifað það sjónarmið að með breyttu kerfi kynni að koma til verð muni hækka eða sala á olíuvörum til ákveðinna staða muni falla niður.

Töluverðar breytingar hafa verið gerðar á frumvarpinu frá þeim drögum sem birt voru í samráðsgátt stjórnvalda. Fallið hefur verið frá því að mæla fyrir um nákvæmt fyrirkomulag styrkja og í stað þess er það sett í hendur ráðherra að útfæra reiknireglur styrkveitinga skv. frumvarpinu. Búast má við að reglur ráðherra taki fljótlega gildi eftir lögfestingu laganna og verður hagsmunaaðilum veitt færi á að taka þátt í samráði vegna setningu slíkra reglna.

Nánar er fjallað um samráð vegna frumvarpsins í greinargerð með því.

Að loknu samráði

Gert er ráð fyrir að frumvarp til laga um breytingu á lögum um svæðisbundna flutningsjöfnun og lögum um jöfnun á flutningskostaði olíuvara, verði lagt fram á Alþingi til umfjöllunar og afgreiðslu á vörðing 150. löggjafarþings.